



Oet de serie - **De BABYBOOM- GENERATIE** -

Deil 7 **Hoeëgere sjoeël**

Veur ós woort alles anders en veur begóste opnie

Ware op 'n vraemde plaats en sjtóngge dao in 'n angere rie

De meiste "moogde" of móste nao de ambachsjoel om 'n vak te liere

En 'ne gas ginge nao de MULO omdet zoeë te "versiere"

En d'r ware d'r 'n paar die de HBS of 't Gym ginge bezeuke

Zoeë ginge ze allemaol nao de ein of angere "kennisgaarkeuke"

Angere sjoeël, regels, lesruuëster, klasgenoeëte en lierare

Veur ginge draan wie "Verkes Wullem" en haje nieks te mitse en te mare

Veur haolde same 'ne kas vol diploma's en pepiere

Allein det al waar 'n goeje raeje om 'n reünie nao einensestig jaor te viere

't Leek get op 't televisieprogramma "KLASGENOTEN"

Want dae daag zoot vol met leuke anekdote

De eine nao de angere trouwde en kreeg kinjer en kleinkinjer om zich haer

Ze ginge woeëne oppe Ruiver, Óffebeek, Bezel of get wiejer "euver 't vaer"

Maar oeteindelik as ich 't noe zoeë bekiek

Woorte veur same hiel get laeveservaringe riek

Vuuël kwame good terech, det huurde ich as ich hie of dao ens örges emes trof

D'r woort d'r zelfs eine professor, det is tof

Angere woorte BMX landscoach en daoveur waereldkampioen, verkieërsleider,

directeur, chauffeur, brandjwaercommandant, architect in die lange rie

Maar 't verrees van men van ós sjoeëlklas, maakde ós bedreuf en besjlis neet blie

Veur belaeftde sjtök veur sjtök hiel get in ós laeve

En wae wet kenne veur nag hiel get sjoeëns, maar veural gezóndj en waal, belaeve

Op dees reünie kalde veur sjoeën gezellig 'n "bietje" bie

En waem wet, doon veur det euver 'n tiedje weer opnie

Alles in ós laeve sjlaagde neet altied

Maar dees reünie sjlaagde waal en det wil ich in dit gedich waal efkes kwiet

Daoróm, waem zal 't zegke, nag ein REÜNIE....?

JAO GAER.... VEUR ZEEN ÓS DEN OPNIE

JOHN GUBBELS

(Met get dichterlike vrieheid)